

ကောလောသံ ကောလောသံ ယုံကြည်သူများဟို ပေါလုရဲ့ ပေးစာ နိဒါန်း

ကောလောသံမြို့ ယုံကြည်သူများဟို ပေါလုရဲ့ ပေးစာ အား တမန်တော် ပေါလုဟု ရေးသားခဲ့အယ် (၁.၁)။ သူဟု ခရစ်တော် မွေးဖွားပင်းနောက် ၆၀ ခုနှစ်ခန့်တွင် ရောမ မြို့နှိုက် ထောင်ကျနေခါ စာရေးခဲ့အယ်။ ကောလောသံ၊ ဖက်နဲ့ ဖိလေမုန်လို့နဲ့အတူ ပေါလုဟု ထောင်ကျနေ ကတည်းဟု ၎င်းလို့ဟို ထောင်တွင်းစာများဟု ခေါ်တွင် အယ်။ သူဟု ကောလောသံမြို့ဆီ အသင်းတော်သို့ ဟေ စာဟို ရေးသားခဲ့အယ်။ ပေါလုဟု ၂.၁ တွင် ဖော်ပြထား လဲ့အတိုင်း ကောလောသံမြို့တွင် အသင်းတော် မစတင် သေးပေမဲ့ အဲဒါအတွက် တာဝန်ဆီအယ်လို့ ခံစားရအယ်။ ဧပဖရက်စ်ဟု ကောလောသံမှစပေ့ အသင်းတော်ဟို တည်ထောင်ခဲ့ခြင်း ဖြစ်နိုင်အယ်။

ကောလောသံ အသင်းတော်ဆီ မားယွင်းသော သွန်သင် ချက် အချို့ကျောနဲ့ ပေါလုဟု စိုးရိမ်ပူပန်ခဲ့အယ်။ သူ သည် ၎င်းအကျောနီးရာဟို စာတွေ ရေးရန် အချိန်အများ ကြီး ပေးခဲ့အယ်။ အထူးသဖြင့် ဓမ္မဟောင်းထဲဟု ယုဒ လူမျိုး ဥပဒေတွေဟို လိုက်နာဖို့ တခြား ခရစ်ယာန်တွေ

ဟို အတင်းအကြပ် တွန်းအားပေးနေလဲ့ ယုဒခရစ်ယာန် တစု ဆီနီနီအယ်။ ပေါလုဟ ဘုရားသခင် လက်ခံနီနီ စေရန်အတွက် ခရစ်ယာန်များဟ ခရစ်တော်မှ လွဲယွေ အခြားစသူမျှ မလိုအပ်ဘဲ (ကောလောသဲ ၁.၁၅-၂၀) နဲ့ လူ့ဆင်ခြင်တုံတရားဟို အခြေခံလဲ့ သွန်သင်ချက်များ ဟ အသုံးမဝင်ကျောန်း ပေါလုဟ အထူးရေးသားခဲ့အယ် (၂.၈)။

အကျောန်းအရာ အကျဉ်းချုပ်

၁။ ပေါလုဟ ကောလောသဲဆီ အသင်းတော်အား နှုတ်ဆက်ခြင်းဖြင့် ပေးစာဟို စတင်အယ် (၁.၁-၂)

၂။ အဲနောက်၊ သူဟ အထူးသဖြင့် ကောလောသဲဆီ မားယွင်းသော သွန်သင်ချက်ဟို ပြန်လည်ဖော်ပြရာတွင် ခရစ်တော်ရဲ့ ကြီးမြတ်ခြင်းအကျောန်းဟို ရေးအယ် (၁.၃-၃.၄)

၃။ ပေါလုရဲ့ ရမ်းဆွဲ ပေးစာများလိုမျိုးပင် သူဟ စာရဲ့ နောက်ဆုံးတဝက်ဟို ခရစ်ယာန်ကောင်းများ နေ့စဉ် အသက်တာအတွက် သီးခြား ညွှန်ကြားချက် အချို့ ဟို ဖော်ပြအယ် (၃.၅-၄.၆)

၄။ ပေါလုဟ အခြား အသင်းတော်များတွင် ရွတ်ဆိုရမဲ့ စာဟို နှုတ်ခွန်းဆက်စကားနဲ့ ညွှန်ကြားချက်များဖြင့် အပီးသတ်အယ် (၄.၇-၁၈)

¹ ဘုရားသခင် ရဲ့ အလိုတော်အားဖြင့် ခရစ်တော် ယေရှုရဲ့ တမန်တော်ဖြစ်သော ငါပေါလုနဲ့ ငါ့ညီ တိမော

သေဆေမှ —

² ကောလောသဲမြို့ဆီ ဘုရားသခင်ရဲ့ လူများဖြစ်သော ခရစ်တော်နဲ့ တလုံးတဝတည်းဖြစ်လျက် သစ္စာဆီသူ ညီအကို မောင်နှမလို့ဆေမှ စာရေးလိုက်အယ်။

ငါလို့ အဖ ဘုရားသခင်ဆေမှ ကျေးဇူးတော်နဲ့ ငြိမ်သက်ခြင်းဟို နင်လို့နှိုက် ဆီပါစေသော။

ကျေးဇူးတော် ချီးမွန်းခြင်း

³ ငါလို့ဟ နင်လို့အတွက် အစဉ်အမြဲ ဆုတောင်းလျက် ငါလို့ သခင် ယေရှု ခရစ်တော်ရဲ့ ခမည်းတော်တည်းဟူသော ဘုရားသခင်ဟို ကျေးဇူးတင်ကြအယ်။

⁴ အကျောန်းမှာ ခရစ်တော် ယေရှုအပေါ်နှိုက် ဆီသော နင်လို့ရဲ့ ယုံကြည်ခြင်းနဲ့ ဘုရားသခင်ရဲ့ လူအားလုံးလို့ အပေါ် နင်လို့ထားဆီလဲ့ ချစ်ခြင်းမေတ္တာကျောန်းဟို ငါလို့ ကြားရသောကျောန်း ဖြစ်အယ်။

⁵ သမ္မာတရားဟူသော သတင်းကောင်းဟို နင်လို့ ပထမအကြိမ် ကြားရသောအခါ မျော်လင့်ရာအကျောန်းဟို နင်လို့ ကြားရကြအယ်။ အဲလိုမို့ နင်လို့ရဲ့ ယုံကြည်ခြင်းနဲ့ ချစ်ခြင်းမေတ္တာဟ ခေါင်းခင်ဘုံနှိုက် နင်လို့အဖို့ လုံခြုံစွာထားလဲ့ မျော်လင့်ရာအပေါ်မှာ မူတည်လျက်နေအယ်။

⁶ နင် လို့ဟ ဘုရားသခင်ရဲ့ ကျေးဇူးတော် အကျောန်းဟို အမန်သိမျော် ခံစားရတာနဲ့မျှ သတင်းကောင်းဟ နင် လို့ဆေဟို ပျံ့နှံ့ ယွေ့ လာ အယ်။ အဲတိုင်း

တိုင်း သတင်းကောင်းဟ ကမ္ဘာတဝန်းလုံးသို့ ပျံ့နှံ့ယွေ့
ကောင်းချီးမင်္ဂလာများ ခံစားလျက် ဆီအယ်။

7 ဘုရားသခင်ရဲ့ ကျေးဇူးတော်အကျောက်အကျန်ကို နင်လို့
အား သင်ကြားပေးသူမှာ ငါလို့နဲ့အတူ ခရစ်တော်ရဲ့ အမှု
ဟိုဆောင်ရွက်နေသူ ငါလို့ချစ်သော ပေဖြ ဖြစ်အယ်။
သူဟ ငါလို့*ရဲ့ ကိုယ်စား သစ္စာဆီသော ခရစ်တော်ရဲ့
အမှုတော်ဟို ဆောင်သောသူဖြစ်အယ်။

8 ဝိညာဉ်တော်အားဖြင့် ရအိသော နင်လို့ရဲ့ မေတ္တာအ
ကျောက်အကျန်ကို ငါလို့အား သူပြောပြအယ်။

9 အဲအကျောက်အကျန် နင်လို့ရဲ့ သတင်းဟို ကြား
ရလဲ့နေမှစယွေ့ ငါလို့ဟ နင်လို့အတွက် အစဉ်မပြတ်
ဆုတောင်းလျက် နေအယ်။ နင်လို့ဟ ဝိညာဉ်တော် ချပေး
သော ဉာဏ်ပညာ၊ သိနားလည်မှု အလုံးစုံလို့နဲ့ ပြေစုံသဖြင့်
ဘုရားသခင်ရဲ့ အလိုတော်ဟို ကောင်းစွာ သိဆီကြစေရန်
ဘုရားသခင်အား ငါလို့ ဆုတောင်းကြအယ်။

10 အဲမှသာ အစဉ်အမြဲ သခင်ဘုရား နှစ်သက်စေရန်
လည်းကောင်း၊ ကိုယ်တော်ရဲ့ ဘုန်းအသရေ ထွန်းတောက်
စေရန် လည်းကောင်း နင်လို့ ပြုမှု ကျင့်ကြံနိန့်ကြလိမ့်
မယ်။ ဟေသို့ အသက်ဆုင်ခြင်းအားဖြင့် ကောင်းမြတ်လဲ့
အကျင့်အမျိုးမျိုးဟူသော အသီးအပွင့်များဟို ဖြစ်ထွန်း
ကြလိမ့်မယ်။ ဘုရားသခင်ဟိုလည်း တိုးယွေ့ သိကျွမ်းကြ
လိမ့်မယ်။

1:7 ကော ၄:၁၂: ဖိလေ ၂၃
လက်ရေးမှုကျမ်းများတွင် နင်လို့ ဟု ပါဆီအယ်။

* 1:7 ငါလို့၊ အချို့

11-12 နင်လို့ဟ အရာခပ်သိမ်းဟို စိတ်ဆူညံစွာ သည်းခံ နိန်စေရန် ဘုရားသခင်ရဲ့ ဘုန်းတန်ခိုးတော်မှ ရဆီလဲ့ စွမ်းရည်အမျိုးမျိုးဖြင့် ရပ်တည်နိန်ကြပါစေသော။ အဲ မှ အလင်း နိုင်ငံတော်တွင် ဘုရားသခင်ရဲ့ လူမျိုးနွယ် အတွက် ထားလဲ့ ကောင်းချီးမင်္ဂလာများဟို နင်လို့အား ခံစားထိုက်သူများဖြစ်သော ခမည်းတော် ဘုရားသခင် ရဲ့ ကျေးဇူးတော်ဟို ဝမ်းမြောက်စွာ ချီးမွန်းနိန်ကြပါ စေသော။

13 ကိုယ်တော်ဟ ငါလို့အား မိုက်ရဲ့ တန်ခိုးမှ ကယ်တင် ယွေ့ မိမိချစ်သော သားတော်ရဲ့ နိုင်ငံတော်ထဲသို့ ခေါ်သွင်း အယ်။

14 ဘုရားသခင်ဟ အဲသားတော်အားဖြင့် ငါလို့ဟို ရွေးနုတ်ပီ။ အဲနည်းအားဖြင့် ငါလို့ရဲ့ အပစ်များဟို ဖြေလွှတ်ပီ။

ခရစ်တော်ရဲ့ လူသားဖြစ်ခြင်းနဲ့ အမှုတော်

15 ခရစ်တော်ဟ မျက်စေ့ဖြင့် မမျှော် နိန်သော ဘုရားသခင်ရဲ့ ပုံသဏ္ဌာန်တော် ဖြစ်အယ်။ ကိုယ်တော်ဟ ဖန်ဆင်းသော အရာအားလုံးလို့တွင် သားဦး ဖြစ်အယ်။

16 အကျောန်းမှာ ခေါင်းခင်ဘုံနှိုက် လည်းကောင်း၊ မြေကြီးပေါ်နှိုက် လည်းကောင်း ဆီသမျှသော မျော် ရလဲ့အရာနဲ့ မမျှော်ရလဲ့အရာများ၊ ရာဇပလ္လင်များ ဖြစ်စေ၊ အစိုးရခြင်း ဖြစ်စေ၊ အုပ်ချုပ်မှု ဖြစ်စေ၊ အာဏာစက် ဖြစ်စေ သားတော်အားဖြင့် ဖန်ဆင်းခြင်း ခံ

ရအယ်။ ခပ်သိမ်းသောအရာလို့ဟ သားတော်အားဖြင့် လည်းကောင်း၊ သားတော်အတွက် လည်းကောင်း ဖန်ဆင်းခြင်း ခံရအယ်။

¹⁷ ခရစ်တော်ဟ ခပ်သိမ်းသောအရာလို့ မတည်မဆီခင် ဖြစ်ယွေ၊ ခပ်သိမ်းသောအရာလို့ ကိုယ်တော်နဲ့ တလုံး တဝတည်းဖြစ်သောအားဖြင့် စနစ်တကျတည်လျက် ဆီ အယ်။

¹⁸ ကိုယ်တော် ဟ အသင်းတော် တည်း ဟူသော ကိုယ်ခန္ဓာရဲ့ ဦးခေါင်း ဖြစ်ယွေ၊ ကိုယ်တော် ဟ သူ ကိုယ်ခန္ဓာ အသက်ရဲ့ အရင်းအမြစ် ဖြစ်အယ်။ အဲသူ ဟ အရာခပ်သိမ်းလို့နှိုက် ပထမနေရာဟို ရန်နီစေရန် အတွက် သေခြင်းမှ ထမြောက်စေသော သားဦး ဖြစ် အယ်။

¹⁹ အကျောန်းမှာ ဘုရားသခင်ရဲ့ အလိုတော်အရ သားတော်ဟ ဘုရားဇာတိဟို အပြေဝ ခံယူအယ်။

²⁰ ဘုရားသခင်ဟ သားတော်အားဖြင့် စကြာဝဠာတ ခုလုံးဟို မိမိဆေ ပြန်လာစေရန် ဆုံးဖြတ်ထားအယ်။ လက်ဝါးကပ်တိုင် ပေါ်နှိုက် သွန်းသော သားတော်ရဲ့ အသွေး†အားဖြင့် ရန်ဟို ငြိမ်းစေယွေ၊ အဲတိုင်းတိုင်းဖြင့် မြေကြီးနဲ့ ခေါင်းခင်တွင် ဆီသမျှသောအရာလို့အား မိမိနဲ့ ပြန်လည်သင့်မြတ်စေရန် အလိုဆီအယ်။

²¹ မခင်ဟ နင်လို့ရဲ့ ဆိုးညစ်သောအပြုအမူနဲ့ အတွေး

1:18 ။ ၁.၂၂.၂၃ 1:20 ။ ၂.၁၆ † 1:20 သားတော်ရဲ့ အသွေး၊ အဲဟမဟုတ်ရင် သားတော်ရဲ့ ယဇ်ပူဇော်ခြင်း အသေခံခြင်း။

ခေါ်များဟို ပြုခြင်းအားဖြင့် ဘုရားသခင်နဲ့ ကင်းကွာလျက် ရန်သူ ဖြစ်ကြအယ်။

²² အဲလိုလဲ အခု ဘုရားသခင်ဟ လူ့ဇာတိဟို ခံယူသော သားတော်အား အသေခံစေသောအားဖြင့် နင်လို့အား မိမိနဲ့ ပြန်လည်သင့်မြတ်ခွင့်ဟို ပေးလေပီ၊ ဟေသို့ ပြုခြင်းမှာ နင်လို့ဟ သန့်ဆွင်း၊ ဖြူစင်၊ မြင့်မြတ်လျက် အပစ်ဆိုဖွယ် မဆိဘဲ ဆွေမျောက်သို့ ဝင်ရောက်နိုင်ကြရန် ဖြစ်အယ်။

²³ အဲလိုမို့ နင်လို့ဟ မိမိလို့ရဲ့ ယုံကြည်ခြင်းဟို အုတ်မြစ်လို ခိုင်မာစေရန် ဆက်လက် ထိန်းသိမ်းရကြမယ်၊ နင်လို့ဟ ဧဝံဂေလိတရားဟို ကြားသိရသောအခါ ရဆိခဲသော မျော်လင့်ခြင်းမှ နင်လို့တတ်တိုင်း မယိမ်းယိုင်စေနဲ့။ ကမ္ဘာအနှံ့အပြားသို့ ဟောပြောရန်ဖြစ်သော အဲဧဝံဂေလိတရားအတွက် အစေခံဟ ငါ ပေါလုပင် ဖြစ်အယ်။

အသင်းတော်ရဲ့ အစေခံဖြစ်သူ ပေါလုရဲ့ အမှုတော်ဆောင်ခြင်း

²⁴ ငါဟ နင်လို့အတွက် ခံရသော ဆင်းရဲဒုက္ခနှိုက် အခုဝမ်းမြောက်ယွေ့ ခရစ်တော်ရဲ့ ဆင်းရဲဒုက္ခတွင် လိုအပ်သေးလဲ့အပိုင်းဟို ကိုယ်တော်ရဲ့ ကိုယ်ခန္ဓာ တည်းဟူသော အသင်းတော်အတွက် ငါရဲ့ ကိုယ်ခန္ဓာနှိုက် ဖြည့်ဆည်းလျက် ဆီအယ်။

²⁵ နင်လို့ရဲ့ အကျိုးအတွက် ဘုရားသခင်ဟ ငါ့အား အသင်းတော်ရဲ့ အမှုတော်ဆောင်အဖြစ် ခန့်ထားအယ်၊ ငါ့

အား ပေးသောတာဝန်မှာ နှုတ်ကပတ်တရားကို အကုန်စင်
ဟောပြောရန် ဖြစ်အယ်။

26 ကိုယ်တော်ဟု နက်နဲရာကို ကမ္ဘာမြေပေါ်ဆီ လူသား
အပေါင်းလို့အား ဆွေကာလများမှ စယွေ ခေတ်ကာလ
များတွင် သိခွင့် မပေးခဲ့သော်လည်း အခုအခါ မိမိရဲ့ လူ
လို့အား ဖော်ပြလေပီ။

27 ဘုရားသခင်ရဲ့ အကြံစည်မှာ လူမျိုးတကာလို့
အတွက် ကြွယ်ဝယွေ ဘုန်းအသရေနဲ့ ပြေစုံသော နက်နဲ
လဲအရာအကျောန်းကို မိမိလူလို့အား သိစေရန် ဖြစ်အယ်။
ဟေနက်နဲသောအရာဟု ခရစ်တော်သည် နင်လို့အထဲနှိုက်
ကျိန်းဝပ်ကျောန်း ဖြစ်အယ်။ ဆိုလိုတာဟု နင်လို့သည်
ဘုရားသခင်ရဲ့ ဘုန်းအသရေတော်နဲ့ဆိုင်လဲ မျော်လင့်
သောအရာကို ခံစားစေလိမ့်မယ်။

28 အဲလိုမို့ ငါလို့ဟု လူအပေါင်းလို့အား ခရစ်တော်ရဲ့ အ
ကျောန်းကို ဟောပြောကြအယ်။ လူတိုင်းအား ရင့်ကျက်
သူအဖြစ်ဖြင့် ဘုရားသခင်ရဲ့ ဆွေမှောက်သို့ ရောက်ဆီရန်
ပို့ဆောင်နိုင်ခြင်းငှာ ငါလို့ဟု ဉာဏ်ပညာဆီသမျှဖြင့် လူ
တိုင်းကို သတိပေး သွန်သင်ကြအယ်။

29 ဟေအရာပီးမြောက်ရန် ငါဟု ခရစ်တော်ပေးသော
တန်ခိုးနဲ့ ငါ့ရဲ့ အတွင်း နှိုက်ဆီသော အလုပ်ဖြစ်လဲ
အားကြီးသော ခွန်အားကို အသုံးပြုယွေ ကြိုးကြိုးစားစား
ရုန်းကန်နေအယ်။

2

¹ ငါဟ နင်လို့နဲ့ လောဒိကံမြို့တွင် ဆီလဲ့ သူလို့မှစယွေ့
ငါ့ဟို လူချင်းမမျော်ဖူးသော သူလို့အတွက် စလောက်
ရုန်းကန် ကြိုးစားနေတာဟို နင်လို့အား သိစေလိုအယ်။

² ဟေသို့ ကြိုးပမ်းလုပ်ဆောင်ရခြင်းမှာ နင်လို့အပေါင်း
ဟ ခွန်အားပေးလျက် အချင်းချင်းတယောက်ဟို တ
ယောက် ချစ်ခင်လာစေရန် ဖြစ်အယ်။ ဟေသို့ဖြစ်ခြင်း
ကျောနဲ့ နင်လို့ဟ ပီးပြေစုံသော သိဆီ နားလည်ခြင်းနဲ့
စိတ်ချမှုဟို ရဆီကြလိမ့်မယ်။ ဟေနည်းအားဖြင့် နင်လို့
ဟ ခရစ်တော် တည်းဟူသော ဘုရားသခင်ရဲ့ နက်နဲသော
အရာဟို* သိဆီကြလိမ့်မယ်။

³ အဲ သူ ဟ အောင်း ထား သော ဘုရားသခင် ရဲ့
ဉာဏ်ပညာနဲ့ အသိပညာ ဘဏ္ဍာလို့ဟို ဖွင့်ပြလဲ့ သော့
ဖြစ်အယ်။

⁴ စသူမျှ နင်လို့ဟို ဖြားယောင်းသောစကားဖြင့် မ
လှည့်စားစေရန် ဟေသို့ ငါပြောဆိုအယ်။

⁵ ငါဟ ကိုယ်ခန္ဓာအားဖြင့် နင်လို့နဲ့ ကွာယွေ့ နေ
သော်လည်း၊ စိတ်ဝိညာဉ်အားဖြင့် နင်လို့နဲ့အတူ ဆီတာ
ဖြစ်ယွေ့ နင်လို့ဟ လျောက်ပတ်စွာ ပြုပြင်တတ်တာဟို
လည်းကောင်း၊ ခရစ်တော်နှိုက် ယုံကြည်ခြင်း ခိုင်မာတာ

* 2:2 ခရစ်တော် တည်းဟူသော ဘုရားသခင်ရဲ့ နက်နဲသောအရာဟို၊
အချို့ လက်ရေးမူကျမ်းများတွင် ဘုရားသခင်ရဲ့ လျှို့ဝှက်သောအရာ၊
ခရစ်တော်ရဲ့ ခမည်းတော် ဘုရားသခင်ရဲ့ လျှို့ဝှက်သောအရာ၊
ဘုရားသခင်နဲ့ ခမည်းတော်၊ ခရစ်တော်ရဲ့ လျှို့ဝှက်သောအရာ၊ ဟု
အခြားသောအရာလို့ ပါဆီအယ်။

ဟို လည်းကောင်း မျော်ရင် ဝမ်းမြောက်ခြင်း ဆီအယ်။

ခရစ်တော်နှိုက် အသက်တာရဲ့ ပြေစုံခြင်း

⁶ နင်လို့ဟ ခရစ်တော် ယေရှုအား သခင်အဖြစ် လက်ခံ ကြသဖြင့် ကိုယ်တော်နဲ့ တလုံးတဝတည်းဖြစ်လျက် အသက်ဆုင်ကြလော။

⁷ ကိုယ်တော်နှိုက် အမြစ်တွယ်ယွေ့ တည်ဆောက်ခြင်း ခံရကာ နင်လို့ သင်ယူခဲ့လဲအတိုင်း ယုံကြည်ခြင်းနှိုက် တည်မြဲစေကြလော။ ကျေးဇူးတော် ချီးမွန်းခြင်းနဲ့ ပြေစုံကြလော။

⁸ ခရစ်တော်ဆေမှ မဟုတ်ဘဲ လူလိုရဲ့ ထုံးတမ်းစဉ်လာ မှလည်းကောင်း၊ လောကဟို အုပ်ချုပ်သော ဝိညာဉ်တော် များဆေမှ လည်းကောင်း၊ လက်ဆင့်ကမ်းလဲ အလကား ကားသော လှည့်စားခြင်းအားဖြင့် စသူမျှ နင်လို့အား မလွှမ်းမိုး မသိမ်းသွင်းစေရန် သတိပြုကြလော့။

⁹ အကျောန်းမှာ ဘုရားသခင်ရဲ့ ဇာတိအဖြစ် ပြေစုံခြင်း ဟ ခရစ်တော်ရဲ့ ကိုယ်ခန္ဓာအားဖြင့် ကျိန်းဝပ်အယ်။

¹⁰ နင်လို့ဟ ကိုယ်တော်နဲ့ တလုံးတဝတည်း ဖြစ်ခြင်း အားဖြင့် ကြွယ်ဝသော အသက်ဟို ရဆံ့ကြအယ်။ အဲသူ ဟ ဝိညာဉ်ရေးဆိုင်ရာ တန်ခိုးနဲ့ အခွင့်အာဏာဆီသူတိုင်း အပေါ်တွင် အမြင့်မြတ်ဆုံး ဖြစ်အယ်။

¹¹ ကိုယ်တော်နဲ့ တလုံးတဝတည်း ဖြစ်လာကြသောအခါ နင် လို့ဟ ဇာတိ သဘောမှ လွတ်မြောက် ခြင်း တည်း ဟူသော အရေဖျားလှီးခြင်းဟို ခံယူကြအယ်။ ဟေအရေ

ဖျားလှီးခြင်းဟု ကိုယ်ကာယနဲ့ဆိုင်သော အရေဖျားလှီးခြင်း မဟုတ်၊ ခရစ်တော်ပြုလုပ်လွှဲ အရေဖျားလှီးခြင်း ဖြစ်အယ်။

¹² နင်လို့ဟု နှစ်ခြင်း ခံသောအခါ ကိုယ်တော်နဲ့အတူ မြှုပ်နှံခြင်းဟို ခံရကြအယ်။ ခရစ်တော်ဟို သေခြင်းမှ ဆွင်ပြန်ထမြောက်စေသော ဘုရားသခင်နှိုက် ဆွင်ပြန်ထမြောက်စေနိုင်သော တန်ခိုးတော်ဟို နင်လို့ ယုံကြည်ကြသောကျောနဲ့ ကိုယ်တော်နဲ့အတူ ဆွင်ပြန်ထမြောက်ခြင်းဟို ရောက်ကြပီ။

¹³ နင်လို့ဟု အရင်အချိန်ဟု အပစ်ကျူးလွန်သူများ ဖြစ်ကြသောကျောနဲ့ လည်းကောင်း၊ ပညတ်တရားဟို မခံယူသော လူမျိုးခြား ဖြစ်သောကျောနဲ့ လည်းကောင်း ဝိညာဉ်ရေးအရ သေသောသူများ ဖြစ်ကြအယ်။ အဲလိုလဲ ဘုရားသခင်ဟု နင်လို့အား ခရစ်တော်နဲ့အတူ အသက်ဆွင်စေအယ်။ ဘုရားသခင်ဟု ငါလို့ရဲ့ အပစ်အလုံးစုံဟို ဖြေလွှတ်ယွေ့၊

¹⁴ ငါလို့ရဲ့ အပစ်ကြွေးဟို လည်းကောင်း၊ အေးဒါနဲ့ဆိုင်သော စည်းမျဉ်းများဟို လည်းကောင်း၊ လက်ဝါးကပ်တိုင်ပေါ်နှိုက် ရိုက်ထားလျက် ဖယ်ဆွားအယ်။

¹⁵ အဲလက်ဝါးကပ်တိုင်ပေါ်တွင် ခရစ်တော်ဟု ဝိညာဉ်ရေးဆိုင်ရာ တန်ခိုးနဲ့ အာဏာဆီသူလို့ရဲ့ တန်ခိုးဟို ပယ်

ဆွားပင်းနောက်† အဲသူလို့ဟို သုံ့ပန်းများအဖြစ် ပွဲဆန် လှည့်ရာတွင် နောက်မှ လိုက်စေကာ လူအပေါင်းလို့အား ပြအယ်။

16 အဲလိုမို့ အစားအသောက်နဲ့ ပတ်သက်ယွေ ဖြစ်စေ၊ ပွဲနေ၊ လဆန်းနေ၊ ဥပုသ်နေနဲ့ ပတ်သက်ယွေ ဖြစ်စေ စသူ မျှ နင်လို့ဟို မစီရင်စေနဲ့။

17 အဲအရာလို့ဟ ဖြစ်လာမဲ့အရာများရဲ့ အရိပ်မျှသာ ဖြစ်ကြပင်း အစစ်မှာ ခရစ်တော် ဖြစ်အယ်။

18 မမန်ကန်သော နှိမ့်ချခြင်း၊ ခေါင်းခင်တမန်လို့အား ကိုးကွယ်ခြင်းလို့ဟို အလေးနက် ပြောဆိုယွေ မိမိလို့ မျော် လဲရူပါရုံများဟို အကျောန်းပြုကာ မိမိလို့ဟ အခြားသူ လို့ထက် သာတာဟု ပြောဆိုတတ်သူများဟ နင်လို့အား ရှုတ်ချခွင့်ဟို မပေးနဲ့။ သူလို့ဟ လူသဘောဖြင့် စဉ်းစား ဆင်ခြင်လျက် အကျောန်းမဲ့ အလကားကား ထောင်လွှား လျက် ဆံကြအယ်။

19 သူ လို့ဟ ကိုယ်ခန္ဓာ ရဲ့ ဦးခေါင်း တည်းဟူသော ခရစ်တော်ဟို မှီခိုအားကိုးမှု မဆံကြပေ။ ခရစ်တော်ရဲ့ ထိန်းချုပ်မှုအောက်တွင် အဆစ်များနဲ့ အရိုးချင်းဆက်ပေး လဲ အရွတ်များဖြင့် ကိုယ်ခန္ဓာ တခုလုံးဟို အားဖြည့်ကာ ဘုရားသခင်ရဲ့ အလိုတော်ဆီလဲအတိုင်း ကြီးပွားတတ်

† 2:15 ခရစ်တော်ဟ ဝိညာဉ်ရေးဆိုင်ရာ တန်ခိုးနဲ့ အာဏာဆီသူလို့ရဲ့ တန်ခိုးဟို ပယ်ဆွားပင်းနောက်၊ အဲဟာမဟုတ်ရင် ခရစ်တော်ဟ ဝိညာဉ်ရေးဆိုင်ရာ အုပ်ချုပ်မှုနဲ့ အာဏာပိုင်လို့ဟို ၎င်းလို့ရဲ့ တန်ခိုးအာဏာဟို ပယ်ဆွားခဲ့အယ်။ 2:16 ရော ၁၄.၁-၆ 2:19 ဧ ၄.၁၆

အယ်။

ခရစ်တော်နဲ့အတူ သေခြင်းနဲ့ အသက်ဆိုင်ခြင်း

²⁰ နင်လို့ဟ ခရစ်တော်နဲ့အတူ သေဆုံးယွေ့ လောကီ တရားမှ ခွဲခွာခဲ့တာဆိုရင်၊ ပစ္စကို ဟေလောကနိုက် အသက်ဆိုင်သောသူများလို ပြုကျင့်နေကြတာတုန်း။

²¹ ပစ္စကျောနဲ့ “ဟေအရာဟို မကိုင်းနဲ့၊ မမြည်းနဲ့၊ မတို့နဲ့” ဟု အစဆိသော စည်းမျဉ်းများဟို လိုက်ဆောက်နေကြတုန်း။

²² အဲအရာ အားလုံး လို့ဟ လူလို့ရဲ့ ပညတ်ချက်နဲ့ သွန်သင် ချက်များ ဖြစ်ကြတာနဲ့အညီ အသုံးပြုရင်း ပျက်စီးသွားမဲ့အရာများ ဖြစ်ကြအယ်။

²³ ခေါင်းခင်တမန်လို့အား မဖြစ်မနေ ကိုးကွယ်ရခြင်း၊ မမန်ကန်သော စိတ်နှိမ့်ချခြင်း၊ ရမ်းဆွဲသော ကိုယ်ခန္ဓာဟို နှိပ်စက်ခြင်းဟူသော ပညတ်လို့ဟ ဉာဏ်ပညာနဲ့ ယှဉ်သော ကာယတပ်မက်မှုများဟို ထိန်းချုပ်ရာတွင် စလောက်မျှ အကျိုးမပြုချေ။

3

¹ နင်လို့ဟ ခရစ်တော်နဲ့အတူ သေခြင်းမှ ဆိုင်ပြန် ထမြောက်ကြပီ ဖြစ်ယွေ့ ဘုရားသခင်ရဲ့ လက်ယာဘက် နှိုက် ခရစ်တော် ထိန်လျက်နေရာ ခေါင်းခင်ဘုံနှိုက် ဆိသောအရာလို့ဟို နင်လို့ စိတ်နေလုံးနှိုက် တောင့်တကြလော့။

² မြေကြီးပေါ်နှိုက် ဆိသောအရာများဟို စိတ်မစွဲလမ်းဘဲ အထက်အရပ်နှိုက် ဆိသောအရာလို့ဟို စိတ်စွဲလမ်းကြလော့။

³ အကျောန်းမှာ နင်လို့ဟ သေဆုံးခဲ့ပီ ဖြစ်ယွှေ နင်လို့ရဲ့ အသက်ဟ ခရစ်တော်နဲ့အတူ ဘုရားသခင်နှိုက် အောင်းထားလျက် ဆိအယ်။

⁴ နင်လို့ရဲ့ အသက် အစစ်မန်ဖြစ်သော ခရစ်တော် ထင်ဆွားသောအခါ နင်လို့ဟလည်း ကိုယ်တော်နဲ့အတူ ဘုန်းအသရေ ထင်ဆွားကြလိမ့်မယ်။

ဖဝါဟောင်းနဲ့ ဖဝါသစ်

⁵ အဲကျောန့် မတရားသော မေထုန်နှိုက် မှီဝဲခြင်း၊ ညစ်ညမ်းခြင်း၊ ကိလေသာ ပူပန်ခြင်း၊ ဆိုးညစ်သော တပ်မက်ခြင်း၊ ရုပ်တုကိုးကွယ်ခြင်း ဖြစ်သော လောဘ လွန်ကျူးခြင်းဟူသော မြေကြီးပေါ်မှာဆိသော နင်လို့ရဲ့ ကိုယ်အင်္ဂါလို့ဟို သေစေကြလော့။

⁶ အဲအမှုများကျောန့် ဘုရားသခင်ရဲ့ အမျက်တော်ဟ နာခံမှု မဆိသော သူလို့အပေါ်သို့ သက်ရောက်လာလိမ့်မယ်။*

⁷ နင်လို့လည်း မခင်ဟ အဲအရာလို့နှိုက် အသက်ဆွင်ကြစဉ်၊ အဲအရာလို့ထဲတွင် ကျင်လည်ခဲ့ကြအယ်။

⁸ အဲလိုလဲ အခုနှိုက် နင်လို့ဟ အမျက်ထွက်ခြင်း၊ စိတ်ဆိုးခြင်း၊ မနာလိုခြင်း၊ သူ့အသရေဟိုဖျက်ခြင်း၊ နင်

* 3:6 အချို့ လက်ရေးမူကျမ်းများတွင် နာခံမှု မဆိသော သူလို့အပေါ်သို့ သက်ရောက်လာလိမ့်မယ်၊ ဟု မပါဆီချေ။

လို့ရဲ့ စလောင်မှ ထွက်လဲ့ စုတ်ပဲ့သောစကား စလဲ့ အမှု
အလုံးစုံလို့ဟို ဖယ်ဆွားကြလော့။

⁹ တယောက်နဲ့တယောက် ဝါယွေ့ မပြောဆိုကြနဲ့၊ အ
ကျောက်မှ နင်လို့ဟ အကျင့်ဆိုးများနဲ့တကွ လူဟောင်း
ဟို လောပစ်ကာ၊

¹⁰ လူသစ်ဟို ဝတ်ဆင်ကြလေပီ။ ဖန်ဆင်းသောသူရဲ့
ပုံသဏ္ဌာန်နဲ့အညီ မန်သော အသိပညာအားဖြင့် အသစ်
ပြုပြင်လျက် နေအယ်၊ ဟေသို့ပြုခြင်းမှာ နင်လို့ဟ
ကိုယ်တော်ဟို ပြေဝစုံလင်စွာ သိကျွမ်းလာကြစေရန် ဖြစ်
အယ်။

¹¹ အဲလိုမို့ ယုဒအမျိုးနဲ့ လူမျိုးခြား၊ အရေဖျားလီးခြင်း
ခံရသူနဲ့ အရေဖျားလီးခြင်း မခံရသူ၊ ယဉ်ကျေးသူ၊ လူ
ရိုင်းများ၊ ကျွန်နဲ့ ကျွန်မဟုတ်သောသူ ဟူယွေ့ ကွဲပြားခြား
နားမှု မဆီတော့ချေ။ ခရစ်တော်ဟ အလုံးစုံလို့နှိုက် ဆီ
ယွေ့ အလုံးစုံ ဖြစ်အယ်။

¹² အဲကျောက်နဲ့ နင်လို့ဟ ဘုရားသခင် ရွေးချယ်ထားသော
သူ၊ သန့်ဆွင်းသောသူ၊ ချစ်ခင်သောသူလို့၊ သနားစုံမက်
ခြင်း၊ ကျေးဇူးပြုခြင်း၊ စိတ်နှိမ့်ချခြင်း၊ ကြင်နာခြင်း၊ စိ
တ်ဆူညံခြင်းလို့ဟို ယူတင်ဝတ်ဆောင်ကြလော့။

¹³ တယောက်နှိုက်တယောက် အပစ်တင်စရာ အခွင့်
ဆီရင် အချင်းချင်း သည်းခံယွေ့ အပစ်ဟို ခွင့်လွှတ်ကြ
လော့။ သခင်ဘုရားဟ နင်လို့ရဲ့ အပစ်ဟို လွှတ်သလို အဲ

တိုင်းတိုင်း ပြုကြလော့။

¹⁴ ဟေအရည်သွေးများဟို မေတ္တာဖြင့် ဖြည့်စွက်ကြလော့၊ မေတ္တာဟ အရာအားလုံးဟို စုစည်းယွေ့ စည်းလုံးညီညွတ်စေကြလော့။

¹⁵ နင်လို့ရဲ့ စိတ်နေလုံးထဲနှိုက် ခရစ်တော်ရဲ့ ငြိမ်သက်ခြင်း အုပ်စိုးစေကြလော့၊ အကျောန်းမှာ နင်လို့ဟ ဟေ ငြိမ်သက်ခြင်းအတွက် ကိုယ်ခန္ဓာ တခုတည်းထဲသို့ ခေါ်ယူခြင်း ခံရကြပါ။ ကျေးဇူးသိတတ်သောစိတ် ဆံကြလော့။

¹⁶ ခရစ်တော်ရဲ့ နှုတ်ကပတ်တရားဟ ပညာအမျိုးမျိုးနဲ့ နင်လို့အထဲနှိုက် ကြွယ်ဝစွာ တည်နေယွေ့ နင်လို့ဟ ဆာလံသီချင်းများ၊ ဓမ္မသီချင်းများနဲ့ ဝိညာဉ်ရေးဆိုင်ရာ သီချင်း အမျိုးမျိုးအားဖြင့်၊ အချင်းချင်းလို့ဟို ဆုံးမသွန်သင်ခြင်း၊ သတိပေးခြင်းဟို ပြုယွေ့ နူးညွတ်သော စိတ်နေလုံးနဲ့ ဘုရားသခင်ဆွေနှိုက် တင့်တယ်လျောက်ပတ်စွာ သီချင်းဆိုကြလော့။

¹⁷ နင်လို့ ပြုသမျှသောအရာလို့ဟိုလည်း စကားပြောဆိုမှု ဖြစ်စေ၊ လုပ်ဆောင်မှု ဖြစ်စေ အရာခပ်သိမ်းလို့ဟို သခင် ယေရှုရဲ့ နာမဟို ထောက်ယွေ့ ကိုယ်တော်အားဖြင့် ခမည်းတော် ဘုရားသခင်ဟို ကျေးဇူးတင်ကြလော့။

ဖဝါးသစ်တွင် တဦးနဲ့တဦး ဆက်ဆံရေး

¹⁸ ပေါင်အိုမလို့၊ ခင်ပွန်းရဲ့ အုပ်စိုးခြင်းဟို ခံယူကြလော့၊ နင်လို့ဟ ခရစ်ယာန်များအနေဖြင့် ဟေသို့ ခံယူသင့်

အယ်။

19 ခင်ပွန်းဖြစ်သူလို့၊ ပေါင်အိုမဟို ချစ်ကြလော့၊ သူလို့ အား ကြမ်းတမ်းစွာ မပြုကြနဲ့။

20 လူပဲ သူငယ် လို့၊ အရာ ရာနှိုက် မိဘ စကား ဟို နားထောင် ကြ လော့၊ အ ကျော န်း မှာ ဟေ အရာ ဟ ဘုရားသခင် နှစ်သက်သောအရာ ဖြစ်အယ်။

21 မိဘလို့၊ နင်လို့ရဲ့ လူပဲသူငယ်ဟို စိတ်ဆိုးစေခြင်းငှာ မပြုကြနဲ့၊ အဲဟာမဟုတ်ရင် သူလို့ဟ အားလျော့စိတ်ပျက် ခြင်းဟို ရောက်ကြလိမ့်မယ်။

22 ကျွန်ဖြစ်သူလို့၊ နင်လို့ဟို ပိုင်သော သခင်များရဲ့ စကားဟို အရာရာနှိုက် နားထောင်ကြလော့၊ နင်လို့ဟ မျက်နှာရရန် ဆွေနှိုက်သာ သူလို့ရဲ့ စကားဟို နားထောင် တာ မဟုတ်၊ သခင်ဘုရားဟို ကြောက်ရွံ့သောအားဖြင့် သူ လို့ရဲ့ စကားဟို ရိုးသားသော စိတ်နဲ့ နားထောင်ကြလော့။

23 နင်လို့ လုပ်ဆောင်သမျှသောအရာဟို လူလို့အတွက် လုပ်ဆောင် သလို မဟုတ် ဘဲ သခင်ဘုရား အတွက် လုပ်ဆောင်သလို စိတ်နေလုံးပါလျက် လုပ်ဆောင် ကြ လော့။

24 နင်လို့ဟ သခင် ခရစ်တော်ဟို အစေခံကြတာ ဖြစ် ယွေ့ ဆုလာဘ်ဟို သခင်ဘုရားဆေမှ ရမယ်ဖြစ်ကျောန်း သိမှတ်ကြလော့။ ခရစ်တော်သာ နင်လို့ရဲ့ သခင် အစစ်မန် ဖြစ်အယ်။

25 ဘုရားသခင်ဟု လူတိုင်းဟို စံနှုန်းတခုတည်းဖြင့် စီရင်သောကျောန်၊ ပစ်မားသောသူအပေါင်းလို့ဟု မိမိလို့ ပြုသော အမားအတွက် အပစ်စီရင်ခြင်းဟို ပေးလိမ့်မယ်။

4

1 သခင်လို့၊ နင်လို့ဟုလည်း ခေါင်းခင်ဘုံနှိုက် ဆိတာ ဟို သိမှတ်ယွေ၊ မန်ကန်ခြင်းနဲ့ တရားမျှတခြင်းလို့နဲ့အညီ ကိုယ့်ကျွန်လို့ဟို ပြုကြလော့။

ညွှန်ကြားချက်များ

2 ဆုတောင်းခြင်းအမှုဟို အစဉ်အမြဲ ပြုကြလော့၊ အဲသို့ ပြုရာတွင် ကျေးဇူးတော် ချီးမွန်းခြင်းအားဖြင့် သတိဆံ့ကြလော့။

3 ဘုရားသခင်ဟု နှုတ်ကပတ်တရားအတွက် ထင်ခါး ဟို ဖွင့်ပေးသဖြင့် ခရစ်တော်ရဲ့ နက်နဲသောအရာဟို ငါလို့ ဟောပြောနိုင်ရန် ငါလို့အတွက်လည်း ဆုတောင်းပေးကြလော့၊ အဲတရားကျောန် ငါဟု အခု ထောင်ကျလျက် ဆံ့အယ်။

4 အဲနက်နဲသောအရာဟို ဟောပြောသင့်လဲ့အတိုင်း ဆုင်းလင်းစွာ ငါဟောပြောနိုင်ရန်လည်း ဆုတောင်းပေးကြလော့။

5 နင်လို့ ရဆိလဲ့ အခွင့်ကောင်း မန်သမျှဟို အသုံးပြုကာ မယုံကြည်သောသူလို့အား ပညာသတိနဲ့ ဆက်ဆံကြလော့။

၆ နင်လို့ပြောသောစကားဟ နားဝင်ချို့ယွှေ့ စိတ်ဝင်စားဖွယ် ဖြစ်စေကြလော့၊ မေးမြန်းသူတိုင်းအား စလို့လျှောက်ပတ်စွာ ပြန်လည် ဖြေကြားရမယ်ဟို နင်လို့လေ့လာထားကြလော့။

နောက်ဆုံး နှုတ်ဆက်စကားများ

၇ သခင်ဘုရားနှိုက် လုပ်ဖော်ကိုင်ဘက်ဖြစ်ပင်း သစ္စာဆီသော အစေခံဖြစ်လဲ့ ငါလို့ ချစ်သော ညီအကို တုခိတ်ဟ ငါနဲ့ ပတ်သက်လဲ့ အကျောန်းအရာဆီသမျှလို့ဟို နင်လို့အား ပြောပြလိမ့်မယ်။

၈ သူ့ဟို နင်လို့ဆေဟို ငါစေလွှတ်ခြင်းမှာ ငါလို့အကျောန်းဟို နင်လို့ သိဆီနိန်ရန်နဲ့ သူဟ နင်လို့ရဲ့ စိတ်နေလုံးဟို နှစ်သိမ့်ပေးနိန်ရန် ဖြစ်အယ်။

၉ သူနဲ့အတူ ဩနေသိမ်လည်း လိုက်လာလိမ့်မယ်၊ ဩနေသိမ်ဟ ငါလို့ ချစ်သော ညီအကို၊ သစ္စာဆီသောသူ၊ နင်လို့ အသိုင်းဝိုင်းထဲဟ ဖြစ်အယ်။ သူလို့ဟ ဟေအရပ်တွင် ဖြစ်ပျက်သမျှဟို နင်လို့အား ပြောပြလိမ့်မယ်။

၁၀ ငါနဲ့အတူ အကျဉ်းချခံနေရသူ အာရိတုတာခုနဲ့ ဗာနဗရဲ့ ညီဝမ်းကွဲ မာကုလို့ဟ နင်လို့ဟို နှုတ်ဆက်လိုက်အယ်။ နင်လို့ဆေဟို သူရောက်ဆီလာရင် မာကုအား ကြိုဆိုကြရန် ညွှန်ကြားချက်များဟို နင်လို့ ရဆီကြပင်း ဖြစ်အယ်။

4:7 တ ၁၀.၄: ၂ တိ ၄.၁၂ 4:7 ဧ ၆.၂၁,၂၂ 4:9 ဖိလေ ၁၀-၁၂

4:10 တ ၁၉.၂၉: ၂၇.၂: ဖိလေ ၂၄: တ ၁၂.၁၂,၂၅: ၁၃.၁၃: ၁၅.၃၇-၃၉

11 ယုတုတုလို့လည်း ခေါ်လဲ့ ယေရှုဟလည်း နင်လို့
ဟို နှုတ်ဆက်လိုက်ပါအယ်။ အရေဖျားလှီးထားသော သူ
လို့ထဲတွင် ဘုရားသခင်ရဲ့ နိုင်ငံတော်အတွက် ငါနဲ့အတူ
လုပ်ဆောင်လျက်ဆီသော ယုဒယုံကြည်သူများမှာ အဲသူ
သုံးဦးသာလျှင် ဖြစ်အယ်။ ဟေသူလို့ဟ ငါ့အား ရမ်းဆွဲ
ကူညီကြသူများ ဖြစ်အယ်။

12 ခရစ်တော် ယေရှုရဲ့ ကျွန်ဖြစ်ယွေ နင်လို့အထဲ
ဟ တဦးဖြစ်သော ဗေဖြဟ နင်လို့ဟို နှုတ်ဆက်လိုက်
အယ်။ နင်လို့ဟ စုံလင်ရင့်ကျက်သူအဖြစ် ရပ်တည်
လျက် ဘုရားသခင်ရဲ့ အလိုတော်ဆီသမျှဟို အပြေဝ
ဆောင်ရွက်နိုင်မဲ့အကျောန်း သူဟ နင်လို့အတွက် အစဉ်
အမြဲ ကြိုးစားယွေ ဆုတောင်းပေးလျက် ဆီအယ်။

13 သူဟ နင်လို့အတွက် လည်းကောင်း၊ လောဒိကီ
မြို့နဲ့ ဟေရပေါလိမြို့နှိုက် ဆီသော သူလို့အတွက်
လည်းကောင်း၊ ရမ်းဆွဲပင်ပန်းစွာ ကြိုးစားလျက် ဆီ
ကျောန်း ငါတတ်တိုင်း သက်သေခံအယ်။

14 ငါလို့ ချစ်သော ဆရာဝန်လုကာနဲ့ ဒေမလို့ဟ နင်လို့
အား နှုတ်ဆက်လိုက်အယ်။

15 လောဒိကီ မြို့ နှိုက် ဆီသော ညီအကို လို့ ဟို
လည်းကောင်း၊ နီဖနဲ့ သူမရဲ့ နေအိုင်နှိုက် စုဝေးသော

အသင်းတော်ဟိုလည်းကောင်း နှုတ်ဆက်ပေးကြလော့။*

16 ဟေစာဟို နင်လို့ ဖတ်ပင်းသောအခါ လောဒိကံမြို့ နှိုက်ဆိသော အသင်းတော်ဟိုလည်း ဖတ်စေကြလော့။ အဲတိုင်းတိုင်း လောဒိကံ အသင်းတော်မှ ရလာသောစာဟို လည်း နင်လို့ ဖတ်ကြလော့။

17 အာခိပုပုအား “သခင်ဘုရားနှိုက် ရဆိထားသော အမှုတော်ဆောင်ရွက်ခြင်းဟို အကုန်အစင် ဆောင်ရွက် ပါ” ဟု ပြောကြားကြလော့။

18 ငါပေါလုဟ နင်လို့အား နှုတ်ဆက်စကားဟို ငါ တတ်တိုင်း ငါ့လက်ဖြင့် ရေးလိုက်အယ်။ ငါဟ တုတ်ချေ ခြင်းတွင် ဆိနေတာဟို နင်လို့ မမေ့ကြနဲ့။

ဘုရားသခင်ရဲ့ ကျေးဇူးတော်ဟ နင်လို့နဲ့အတူ ဆိပါစေ။

* 4:15 နံဖနဲ့ သူမရဲ့ နေအိုင်နှိုက် စုဝေးသော အသင်းတော်ဟိုလည်းကောင်း နှုတ်ဆက်ပေးကြလော့၊ အချို့ လက်ရေးမူကျမ်းများတွင် နံဖနဲ့ သူရဲ့ နေအိုင်နှိုက် စုဝေးသော အသင်းတော်ဟိုလည်းကောင်း နှုတ်ဆက်ပေးကြလော့၊ ဟု ပါဆိအယ်။ 4:17 ဖိလေ ၂

ဓမ္မသစ်ကျမ်း နေ့ဘာသာစကား

Danu: ဓမ္မသစ်ကျမ်း နေ့ဘာသာစကား (Bible)

copyright © The Word for the World International

Language: (Danu)

Contributor: The Word for the World International

နေ ဓမ္မသစ်ကျမ်း

The New Testament in Danu Language

The Word for the word

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-01

PDF generated using Haiola and XeLaTeX on 1 May 2025 from source files dated 1 May 2025

8aba2da5-2a35-5ff6-9d27-1e96563449b2